



Broj: 06-1-07-1-784-24/25

Sarajevo, 27.10.2025. godine

Na osnovu člana 2.9 stav (1) tačka 9. i člana 2.19 stav (3) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 18/13, 7/14, 31/16, 41/20, 38/22, 51/22, 67/22 i 24/24), a u vezi s članom 32. Uputstva o procedurama za provođenje prijevremenih izbora za predsjednika Republike Srpske ("Službeni glasnik BiH", broj: 52/25), Centralna izborna komisija Bosne i Hercegovine na 57. sjednici, održanoj 27.10.2025. godine, donijela je

ODLUKU

- (1) Imenuje se **2.303** predsjednika biračkih odbora i **1.963** zamjenika predsjednika biračkih odbora za prijevremene izbore za predsjednika Republike Srpske.
- (2) Sastavni dio ove Odluke je spisak imenovanih predsjednika i zamjenika predsjednika biračkog odbora.

Obrazloženje

Centralna izborna komisija Bosne i Hercegovine, u skladu s članom 32. stav (2) Uputstva o procedurama za provođenje prijevremenih izbora za predsjednika Republike Srpske, dana 12.09.2025. godine, donijela je odluku kojom je imenovala 4.466 kandidata koji su bili imenovani za predsjednike biračkih odbora ili njihove zamjenike na Lokalnim izborima 2024. godine. Imenovani kandidati su imali obavezu da u roku od deset dana potpišu izjavu o prihvatanju kandidature i izjavu o ispunjenosti uslova iz člana 2.3 i člana 2.19 stav (2) Izbornog zakona Bosne i Hercegovine. U predviđenom roku, 3.474 kandidata je prihvatilo da bude imenovano za predsjednike i zamjenike predsjednika biračkih odbora.

Centralna izborna komisija BiH, u skladu s članom 32. stav (4) Uputstva o procedurama za provođenje prijevremenih izbora za predsjednika Republike Srpske, na nedostajuće pozicije, na prijedlog izbornih komisija, imenovala je 792 predsjednika biračkih odbora ili zamjenika predsjednika biračkih odbora.

Nakon provedenog postupka, uz konsultacije s izbornim komisijama, utvrđeno je da je ukupno 2.303 predsjednika biračkih odbora i 1.963 zamjenika predsjednika biračkih odbora ispunilo uslove za imenovanje, te je Centralna izborna komisija Bosne i Hercegovine, u skladu s članom 2.9 stav (1) tačka 9. Izbornog zakona BiH, odlučila kao u dispozitivu ove Odluke.

PRAVNA POUKA: Protiv ove odluke, u skladu s članom 2.19 stav (6) Izbornog zakona Bosne i Hercegovine, može se uložiti prigovor u roku od 72 sata od sata objave ove odluke na zvaničnoj internetskoj stranici Centralne izborne komisije Bosne i Hercegovine www.izbori.ba. Prigovor se podnosi putem faks-aparata na broj 033/251-329, elektronskom poštom na e-mail adresu: kontakt@izbori.ba ili lično u sjedište Centralne izborne komisije Bosne i Hercegovine, ulica Danijela Ozme broj 7, Sarajevo.

Dostavljeno:

- Odsjek za IKT za objavu
- a/a



Predsjednik
Ivan Kalaba